

Farmaceuti i apotekari u FBiH nezadovoljni novim zakonom

Prekjučerašnjom odlukom Doma naroda Parlamenta FBiH donesen je Zakon o apotekarskoj djelatnosti. Iako je procedura njegovog usvajanja trajala skoro godinu, struka u nju nije bila uključena, a amandmani relevantnih udruženja nisu uvaženi, tvrde u Međukantonalnoj komori farmaceuta FBiH, Udruženju privatnih apoteka u FBiH i Udruženju farmaceuta FBiH.

Isključena struka

Zakonom usvojenim na prijedlog Vlade FBiH, uz ostalo, propisano je da se apotekarska djelatnost obavlja u apotekama kao zdravstvenim ustanovama, u bolničkim, te u privatnim apotekama.

Značajne primjedbe udruženja, koje nisu uvažene, odnose se, prije svega, na proceduru donošenja zakona za koji nikad nije provedena javna rasprava. Prije donošenja ovog trebalo je da bude usvojen zakon o zdravstvenoj zaštiti kao temeljni zakon iz ove oblasti, kaže Edin Hodžić, predsjednik Udruženja privatnih apoteka u FBiH.

Zakon o zdravstvenoj zaštiti donesen je na istoj sjednici Doma naroda kad i Zakon o apotekarskoj djelatnosti. U Udruženju tvrde da su nelogičnosti u apotekarskom zakonu pokušali ublažiti odbijenim amandmanima.

Apoteke po ovom zakonu mogu biti kažnjene zbog nemogućih stvari. Primjerice, apoteke su odgovorne ukoliko prekorače referalnu cijenu lije-

Zabrana rada je kraj za apoteke

- Za označavanje lijeka, umjesto proizvođača, odgovorna apoteka
- Nelogična kazna za prekoračenje referalne cijene lijeka



Struka nije bila uključena u proceduru

Javnu raspravu provodi Parlament

Zlatan Peršić, glasnogovornik federalnog Ministarstva zdravstva, kazao je jučer da će to Ministarstvo današnju konferenciju za novinare posvetiti usvojenim zakonima o pravima pacijenata, zdravstvenoj zaštiti i apotekarskoj djelatnosti.

Što se tiče javne rasprave o Zakonu o apotekarskoj djelatnosti, Ministarstvo zdravstva ne provodi javnu raspravu, nego o njoj odlučuje Parlament FBiH, kazao je Peršić.

ka. To je, zapravo, nabavna cijena koju Zavod zdravstvenog osiguranja priznaje i plaća za izdati lijek na recept. Apoteka nema veze s određivanjem te cijene. Zatim, apoteka može biti kažnjena zbog označavanja na kutijici lijeka za koje apoteka nije odgovorna, kaže Hodžić, koji napominje da su se ovim povodom obratili državnoj Agenciji za lijekove i dobili njen stav.

U odgovoru Agencije piše da "odgovornost za adekvatno označavanje lijeka koji se na-

lazi u prometu na teritoriji BiH, odnosno označavanje lijeka propisano članom 71. Zakona o lijekovima i medicinskim sredstvima snosi proizvođač sa sjedištem u BiH, odnosno pravna lica koja se bave prometom lijekova na veliko, što obuhvata spomenute lijekove na čijem spolnom pakovanju nije odgovarajući serijski broj ili nije naveden broj dozvole za stavljanje lijeka u promet u BiH ili koji ne sadrži uputstvo za upotrebu na jednom od jezi-

ka koji su u upotrebi u BiH".

Tumačenje je jasno. Apoteke nemaju bazu podataka serijskih brojeva lijekova, nego samo Agencija za lijekove, napominje Hodžić.

Apotekari i farmaceuti su nezadovoljni i kaznenim odredbama. Kazne za prekršaje u ovoj djelatnosti propisane su od deset do 15 hiljada KM.

Apoteka može biti kažnjena novčano, a uz to joj može biti izrečena zabrana vršenja djelatnosti za šest mjeseci. Za apoteku, kao firmu, to znači i definitivno zatvaranje. Ukoliko tako dugo ne radi, kao i svaka firma, apoteka ostaje bez plaća za radnike, ne može plaćati poreze i doprinose, zakup poslovnog prostora, napominje Hodžić.

Predsjednica Međukantonalne komore farmaceuta koja broji više od 900 članova Zahida Binakaj, također, potvrđuje kako su zaobiđeni u cijelom procesu.

Ispraviti nelogičnosti

Sve primjedbe koje smo slali predlagaču i parlamentarcima rađene su u suradnji sa strukom, fakultetima i farmaceutima primarne razine zdravstvene zaštite, kaže Binakaj, te najavljuje da će strukovna udruženja nastojati svim sredstvima da ukažu na nelogičnosti u Zakonu kao i da one budu ispravljene.

S. ŠEHERČEHAJIĆ

VIJESTI



Belkić sa studentima iz Katara

Zamjenik predsjedavajućeg Predstavničkog doma PSBiH Beriz Belkić je grupu studenata američkog univerziteta Georgetown iz Katara tokom jučerašnjeg susreta upoznao sa ustrojstvom i načinom funkcionisanja PSBiH. On se osvrnuo i na Ustavom predviđene nadležnosti institucija BiH, istakavši koje su aktivnosti preduzete sa ciljem njihovog jačanja. Studenti su prilikom razgovora izrazili posebno interesovanje za aktuelnu političku situaciju u BiH i napredak na njenom putu u EU i NATO. Belkić je istakao kako su za ulazak BiH u EU i NATO, između ostalog, važni dobri odnosi sa susjednim državama i regionalna saradnja.

Diplomatski odnosi sa Surinamom

Zajednička izjava o uspostavljanju diplomatskih odnosa između BiH i Republike Surinam potpisana je na ceremoniji u prostorijama Stalne misije Republike Surinam pri UN-u u New Yorku. U ime BiH, zajedničku izjavu je potpisao stalni predstavnik BiH pri UN-u ambasador Ivan Barbalić, dok je u ime Surinama izjavu potpisao stalni predstavnik Republike Surinam pri UN-u ambasador Henry Leonard MacDonald. U razgovoru koji je prethodio ceremoniji potpisivanja zajedničke izjave, sagovornici su razmijenili mišljenja o potencijalima za unapređenje i intenziviranje bilateralne saradnje, posebno u ekonomskoj sferi.

Ministar Cikotić o knjiženju vojne imovine na državu

Ne smijemo propustiti priliku

- Samo na taj način možemo ispuniti ono što je od nas traženo na ministarskom sastanku u Tallinnu, tvrdi ministar odbrane BiH
- Predstavnici NATO-a posjetili Sarajevo

Sjevernoatlantski savez nam je dao zadatak da svu nepokretnu perspektivnu vojnu imovinu uknjižimo na državu BiH i vjerujem da to preostalo pitanje za početak primjene Akcionog plana za članstvo u NATO-u možemo riješiti samo na taj način, izjavio je za Oslobođenje ministar odbrane BiH Selmo Cikotić.

Politička volja

Ministar Cikotić dogovorio je sa svojim zamjenicima, Marinom Pendeš i Živkom Marjancom, da MOBiH predloži Vijeću ministara BiH formiranje komisije koju bi sačinjavali predstavnici države i entiteta. Njen

posao bi bio da pripremi sporazum o vojnoj imovini.

Naravno, sada se radi o postojanju političke volje u državi o kojoj ne želim davati prognoze. Ne radi se o složenom pitanju. Smatram da je to značajno za sve narode i građane BiH. Nastojimo napraviti neku vrstu pretpostavki da se kompromis postigne i da u septembru konkuriramo za prvi godišnji plan iz MAP-a, kazao je Cikotić.

Ukoliko do septembra BiH ne ispuni uslov NATO-a postavljen u Tallinnu o knjiženju 69 lokacija sa nepokretnom perspektivnom vojnom imovinom na MOBiH, naša zemlja bi propustila godišnji ciklus i kasnila sa primjenom MAP-a.

Sarajevo je jučer posjetila delegacija Komiteta za odbranu i sigurnost Parlamentarne skupštine NATO-a. Oni su razgovarali s predstavnicima Parlamentarne skupštine BiH i parlamentarnih komisija koje se bave pitanjima iz oblasti odbrane i sigurnosti - Berizom Belkićem, Ivom Mirnom Jovićem, Halidom Genjom, Brankom Zrncom, Šefikom Džaferovićem, Mirkom Okolićem i Šemsudinom Mehmedovićem.

Pregled odbrane

"Svjesni smo da se pred nama nalaze brojni izazovi ali je važnija činjenica da postoji politički konsenzus i želja



Delegacija NATO-a sa predstavnicima MO i OSBiH

građana BiH za ulazak u EU i NATO", naglasio je Jović.

Delegacija Parlamentarne skupštine NATO-a, koju je predvodio predsjedavajući Komiteta za odbranu i sigurnost Sverre Myrli, razgovarala je i sa Marinom Pendeš i Živkom Marjancom, te načelnikom Zajedničkog štaba OSBiH generalpukovnikom Miladinom Milojevićem i njegovim zamjeni-

kom general-majorom Slavkom Puljićem. Predstavnici MO i OSBiH upoznali su goste sa aktivnostima na ispunjenju uslova za MAP, kao i aktuelnostima u vezi s prijenosom vlasništva nad vojnom imovinom, tranzicijom vojnog personala i izradom značajnog dokumenta pregled odbrane, te vojnim učešćem BiH u misiji ISAF.

DI. OMERAGIĆ